

დანართი
დანტკიცებულია ა(ა)იპ კოლეჯი „ჰორიზონტის“ დირექტორის 2022 წლის 7
ნოემბრის N 04-155 ბრძანებით

მუხლი 2.წესრიგის და უსაფრთხოების დაცვის უზრუნველყოფის ღონისძიებები

2.1 საზოგადოებრივი წესრიგის და უსაფრთხოების დაცვისთვის კოლეჯი ვალდებულია:

ა) განახორციელოს პრევენციული ღონისძიებები;

ბ) უსაფრთხოებისა და საზოგადოებრივი წესრიგის დარღვევისას უზრუნველყოს შესაბამისი ღონისძიებების განხორციელება და დარღვევის აღმოფხვრა.

2.2. კოლეჯის ტერიტორიაზე უსაფრთხოებასა და საზოგადოებრივი წესრიგის დაცვაზე პასუხისმგებელ პირს წარმოადგენს დარაჯი და კოლეჯის დირექცია.

2.3. კოლეჯის შენობა ნაგებობების დაცვას უზრუნველყოფს კოლეჯის დარაჯი .

2.4 კოლეჯის ორივე ფართზე განთავსებულია შიდა და გარე დაკვირვების ვიდეო სათვალთვალო კამერები.

2.5 კოლეჯის დარაჯები ვალდებული არიან მუდმივად აკონტროლონ კოლეჯში დამონტაჟებული სამეთვალყურეო კამერები და დარღვევის აღმოჩენის შემთხვევაში დაუყოვნებლივ მიიღონ შესაბამისი ზომები ან აცნობონ კოლეჯის დირექციას.

2.6 კოლეჯის პროფესიული სტუდენტების/მსმენელებისა და კოლეჯში დასაქმებული პირების გარდა, სხვა პირები კოლეჯის ტერიტორიაზე დაიშვებიან მხოლოდ კოლეჯის დირექციის/ადმინისტრაციის ნებართვით.

2.7 ყველა პროფესიული სტუდენტი/მსმენელი ვალდებულია თან იქონიოს პირადობის მოწმობა ან სხვა მაიდენტიფიცირებელი დოკუმენტი და მოთხოვნის შემთხვევაში, წარუდგინოს დარაჯს კოლეჯში შესვლისას. სხვა შემთხვევაში იდენტიფიცირება ხდება ადმინისტრაციაში მონაცემთა ბაზის მეშვეობით.

2.8. პროფესიული სტუდენტის /მსმენელის მიერ შინაგანაწესის მოთხოვნების დარღვევის შემთხვევაში დარაჯი მიმართავს კოლეჯის დირექციის წარმომადგენელს , კოლეჯის დირექცია მოქმედებს კოლეჯის შინაგანაწესის შესაბამისად.

2.9 უსაფრთხოების დაცვის მიზნით კოლეჯში თვალსაჩინო ადგილას გამოკრულია საევაკუაციო გეგმა, ევაკუაციის პროცედურები, რომლის შესაბამისად საჭიროების შემთხვევაში მოხდება შენობის უსაფრთხო დატოვება.

2.10. კოლეჯი აღჭურვილია ხანძარსაწინააღმდეგო ინვენტარით, ცეცხლმაქრებით, რომელიც განთავსებულია შსს სსიპ - საგანგებო სიტუაციების მართვის სააგენტოს მიერ დადგენილ ადგილებზე და მისი გამოყენების ინსტრუქცია გამოკრულია ინვენტართან და ახსნილია კოლეჯის პროფესიული სტუდენტებისა და პერსონალისათვის.

2.11. კოლეჯი უზრუნველყოფს კოლეჯში დასაქმებულებისა და პროფესიული სტუდენტებისთვის/მსმენელებისთვის კანონმდებლობით დაშვებული პირველადი გადაუდებელი დახმარების გაწევას.

2.12. კოლეჯი უზრუნველყოფს საგანგებო სიტუაციების მართვას, შრომისა და სახანძრო უსაფრთხოების დაცვას.

2.13. კოლეჯი უზრუნველყოფს პერსონალური მონაცემებისა და აიტი უსაფრთხოების დაცვას.

მუხლი 3. გარდამავალი დებულებები

3.1. კოლეჯს უფლება აქვს წესრიგის და უსაფრთხოების დასაცავად განახორციელოს ისეთი ქმედება, რაც ამ წესით არ არის განსაზღვრული, რომელიც უნდა შეესაბამებოდეს საქართველოს მოქმედ კანონმდებლობასა და დამდგარ ფაქტობრივ მდგომარეობას.

მუხლი 4. დასკვნითი დებულებანი

4.1. ამ წესს ინდივიდუალურ -ადმინისტრაციულ სამართლებრივი აქტით -ბრძანებით ამტკიცებს კოლეჯის დირექტორი.

4.2. ამ წესში ცვლილებების და/ან დამატებების შეტანა ხდება კოლეჯის დირექტორის ინდივიდუალურ ადმინისტრაციულ სამართლებრივი აქტით -ბრძანებით ამტკიცებს კოლეჯის დირექტორი.

დირექტორი: ნ.ტ. ნანა ჯოლია



